

安康縣志

一
函
二
冊
函

輿地考第一上

考乃書志之遺全書旣名曰志故變例稱考其所以備典
實者一也史部書志皆總擷大意掇其精華以存體要志
乘則具體而微取其詳明足資考証而已輿地爲全書根
柢故旣爲圖表復著其說俾觀者一望瞭然不厭精詳也
山川定位流峙有經郡縣啟疆乃分畛域歷朝規度形勢
各有攸宜於是廢置紛煩輿地始有沿革安康自秦置西
城疆宇無甚改易惟西界紫陽裁復有須考証耳安康於
商周爲庸地春秋屬楚戰國屬秦秦置郡縣西城縣屬
漢中郡漢爲漢中郡治東漢改治南鄭建安二十年分西
城安陽爲西城郡治西城此時西城西界實兼有紫陽地

魏改魏興郡仍置西城縣晉仍之宋析置廣城縣縣地始與
紫陽分隸歷齊梁北魏無改易郾道元北魏人其水經注
云漢水又東逕魏興郡廣城縣又東逕魚脯谷口舊西城
廣城二縣指此谷分界此古界之可考者過此紫陽又爲
寧都安康縣地屬今漢陰矣當是時北魏置安康郡安康
縣金城郡直城縣西魏置金州及金城郡直城縣安康郡
安康縣皆漢陰地西城附郭則自秦以迄兩魏未之改易
改易之制始於北周五代志云北周爲金州總管府魏興
改安康於是始有安康之名然而在郡不在縣實字詁云
後周天和四年省西城縣移吉安於西城縣理爲金州
於是西城之名閒有廢置隋廢安康爲西城郡改西城爲

金川縣并吉安入焉唐復爲西城縣武德元年復吉安縣
大歷六年省吉安入西城長慶初復置五代仍之宋省平
利爲鎮入西城元祐復蓋隋唐之間與平利屢相出入而
西城則自唐迄宋未改秦漢舊名元因兵燹之後地曠人
稀降金州爲散州廢西城縣並廢漢陰平利洵陽石泉各
設巡檢司省入金州自此西城之名遂廢明置各縣正德
五年割金州漢陰地立紫陽縣按紫陽自五代宋置廣城
至西魏廢入寧都寧都卽漢陰其地未入金州今割州地
及漢陰地置縣是於舊廣城縣疆域外復割州地益之今
兩縣分界洞河疑非魚脯舊界萬歷十一年更名興安州
二十四年陞爲直隸州

國朝乾隆四十八年陞置興安府併漢陰立安康縣爲附郭
五十四年又升漢陰廳爲撫民通判復縣地地去而名存
其疆域則仍西城地也至寰宇記謂石泉本西城地則歷
考史志各代俱有建置惟元廢石泉入金州則又金州而
非西城也未足爲據

輿地考第一下

興安山脉來自太白西南行爲留垵紫栢山畧陽黃家山
寧羗播冢山至牢固關東行爲定遠大巴山小巴山又東
行爲平利化龍山支脉西北折爲安康五峯山趙臺山而
府城建焉山脉北帶漢水漢水流經縣地之中境內山岵
宜以漢水爲經漢北之山東北五里曰白雲山白雲泉出
焉相傳爲南岳禪師懷讓卓錫地鑿石爲洞多宋明人題
詠北十里曰大團山小團山三十里曰老樹嘴昔有豫章
故名老樹嘴東曰龍王山上有龍湫大旱不涸西曰將軍
山有洞云藏甲冑今無跡老樹嘴東北二十里曰九里岡
石磴峻層不易登陟神灘河水環其西琉璃溝水漱其東

溯溝三十里曰爛柴關崇岩遠谷舊多竹樹陰蔽十八里
谷口麻坪爲洵陽界漢水正北曰梅花山卽姚墟漢書地
理志所云廟祀虞舜置守廟九戶者也五里曰心山五十
里曰牛首山綿亘數百里有唐刺史崔公神祠三洞皆有
泉旱乾之所雩也其西赤溪水出焉又西羊峪水出焉皆
南流注月河山北曰五硤山峯巒四出森如燾幢牛山椒
曰蠟燭山北曰三教山山高無極雲物出其下有二龍湫
又北曰觀音山曰王莽山俗傳王莽嘗遣兵戍守山故名
傳家河水出焉山西曰二郎山四面險峻其頂平坦可屯
數千人有地可耕水皆懸流過此爲鎮安界二郎西曰燕
子嶺道路險陋壤接鎮安寧陝漢陰舊設烏溝堡官兵戍

之漢水西北五里曰長鎗嶺土皆赤埴草木不著五十里
曰折弓埵昔有將軍戰沒於此土人祠之西四十里曰鯉
魚山鳳皇山之首也鳳皇山跨安漢石紫之地周數百里
月河出其陰五堰蒿坪流水諸河出其陽自鯉魚山夾月
河漢水而西爲腰鋪嶺爲倉塲山接紫陽界西四十里
曰赤崩灣六十里曰三條嶺明末鄖將黃元吉於此勦賊
敗績死之六十五里曰捕鼓臺九十里時月河南曰天馬
山鳳凰支脉也河北曰月嶺關逾河五里爲漢陰界漢南
之山直南二里曰趙臺山三里曰環溪嶺施陳二溝環之
故名五里曰玉屏山多白堊青堊其西香溪水出焉西北
流注漢夾溪石洞對開如蜂房虹橋飛渡實爲一邑名勝

玉屏東曰文峯山旁一峯明知州鄭時亨築南五十里曰
五峯山山南爲平利界西南五里曰藥王山九里曰魏山
三面陡絕北通一道晉都護吉扼之所據以捍秦苻者也
吉河經其下四十里曰天柱山有韓真人洞邑人禱雨於
此八十里曰郎家山九十里曰馬蝗山香河水經焉百五
十里曰南宮觀山四壁如削嵐河經其下自此西抵紫陽
山多難名東南十五里曰牛蹄嶺黃洋水經焉三十里曰
古廟嶺磨溝水經焉南爲狗脊關接平利界東三十里曰
老君山四十里曰高洞山八十里曰歪頭山迤邐而南爲
淘陽界漢水流經紫陽至洞河口入縣界東行三十里大
道河水北流注之河發源四川界嶺三百餘里入漢又東

行三十里小道河水北流注之河出紅皮梁行六十里入
漢又東六里蒿坪河流水河易家河南流注之三河皆發
源鳳凰山又東六十里嵐河水北流注之水經注所謂東
逕嵐谷北口嶂遠谿深澗峽險遠氣蕭蕭以瑟瑟風颼颼
而颼颼者也邑貢生謝玉瑛裹糧數日得諸目驗而爲之
記曰嵐河出界嶺北乾溝名嵐溪河西北流四十里橫當
河水右注之又西北流二十里名高嵐河正陽河挾竹橋
河水右注之又二里八仙河左注之又四里左納剝石河
又十里右納讓河又六十里至松樹坪又會白沙河嵐河
之名始著白沙河又名漢河源出化龍山行九十五里入
嵐郡志謂出化龍山者爲嵐河誤也自白沙河口流三十

里左得牙河又五十里經孟氏嶺右納蛇蚤河又八里左
得金鷄河又二十五里左納支河又十五里左納朱溪河
又二十里逕苦竹關始入安康境又二十里左納洋溪河
又三十里右納濫河又二十里左會滔河水滔河有二源
曰東焦西焦各行七八十里合流始名滔河次第納浪河
大璋河坑河諸水以入於嵐蓋支流中爲最大者矣嵐河
又五里右納蘭河水又二十里逕磚坪又二十里逕水圍
城四吉河挾滄水河平吉河左注之以上皆西北流至此
轉東北流四十里至火石溝始通舟楫又四十五里大香
河受小香河躑蹠河之水左注之嵐河至此復西北流五
十五里堰渠河右注之又三十里入於漢凡歷五百六十

九里漢水又東七十五里吉河水北流注之河出平利流
百餘里入漢水經注云漢水又東得大勢勢阻急溪故亦
曰急勢也按急溪卽吉河改急爲吉殆以銘祖冲之忠與
又五里月河水南流注之河發源漢陰治西三十里分水
嶺至梅子鋪入縣界東流三十里北受恒河水水出北山
牛首山受黑水河紫鷄河小河口水南流至楊家營因石
立磧激水東岸鑿渠灌田爲千工堰又南一里開渠西岸
爲萬工堰又五里復於東岸引水爲永豐堰又五里入月
河月河又東五十里傅家河水南流注之水出王莽山至
牛山東漸灑平地土人因其磔流相承沿爲東西七渠灌
田數千畝月河又東南流逕石嘴頭行兩山間曲折二十

餘里南入於漢水經注云漢水右對月谷山有坂月川於
中黃壤沃衍桑麻列植佳饒水田故孟達與諸葛亮書善
其川土沃美也漢水又東經府城北歷十四里老林溝水
北來注之水發源將軍山東南流四十里入漢中饒水曰
有年可收稻千石又東一里黃洋河水南來注之河出平
利化龍山經平利舊治西南流左合大沙溝小沙溝磨溝
水凡二百餘里入漢又東四十五里神灘河水北來注之
河出夏家嶺南流四十里左合黑溝水又二十里琉璃溝
水挾蔡家河水東來匯於神灘河之龍潭又二十里入於
漢舊志云出牛山東誤漢水又東五里爲二郎灘入洵陽
界邑舉人董君詔著安康山川志詞有體要質而不俚

採之以著斯篇

舊志載朝冠石在府治後街龍尾石在翠光臺下將軍石在教場北相傳此三石昔人掘之不見其根又城北江中有安康石見則主饑又青碌山在府東四十五里有碧錫青碌諸洞唐宋以來每歲採辦明始停閉今失其處

言者謂國事未定，憂我危，故民欲事開，今大其獄。

言是東不，只以法，及青縣，而對高，縣四十里，降，降，降。

言是東不，只以法，及青縣，而對高，縣四十里，降，降，降。

言是東不，只以法，及青縣，而對高，縣四十里，降，降，降。

言是東不，只以法，及青縣，而對高，縣四十里，降，降，降。

建置考第二上

周禮度地居民鄰里聯以五家而統於一鄉邱甸制於九夫而備於一成古昔化理之原實基於此故曰觀於鄉而知王道之易漢書地理志以郡統縣而不及鄉里以其微末繁瑣不勝紀載故爲史部所不收然地有大小政無殊異領一州而無郡縣之疆理則行部所刺考課所資韓趙無以施其材龔黃無由奏其績宰一縣而無鄉里之紀綱則戶口所隸賦役所出令長無從比其數胥吏無所稽其籍然則一縣之有鄉里亦猶一州之有郡縣一鄉一里固史部之弃材實方志之要冊也縣地舊分二十四里前明洪武時編置在城越河七舖新興四里成化時增置永悅



依仁歸化來遠忻寧順善遵儀新會德安昇平景星慶雲

嘉禾十三里宏治時增置豐登歸仁東興西城公正五里

國朝順治時增置興化里

即守禦所

乾隆時又置新升里鄧官山

地後因鄉民過割地畝趨於便易糧因地徙地隨糧移展

轉糾紛遂致鄉里異界而里法紊今惟設里書徵收錢糧

至於訟獄公務則置舖以統牌甲康熙二十二年以前舊

設東鄉四舖曰桑園石梯神灘二郎南鄉二舖曰牛蹄黃

洋西南鄉三舖曰柴廟鳳皇流水西鄉七舖曰長鎗秦郊

三渡新建恒口越梅五堰後因南北兩山地墾人稠要置

二十七舖舖置鄉約保正司其事舖境繚濶則分二牌三

牌約正隨設